



# Arubaanse Courant

página 26.

DIAMARS 23 JUNI 1964

No. 5065.

## Deputado Jossy Tromp: Tabata un batalla fuerte na Den Haag

ORANJESTAD, 23 juni. - "Mi ta sumamente satisfecho cu e resultado di e deliberacionan di aviacion na Hulanda", segun e deputado Arubiano di asuntunan economico, senyor F.J. Tromp a bisa net despues di su regreso for di Den Haag. Senyor Tromp kende segun su declaracion mester a lucha duro pa e interesnan di Aruba, a regresa diadomingo anochi cu un jet di Viasa. Ministro Lopez Beaujon kende tambe a tuma parti na e deliberacionnan, a regresa diasabra anochi caba.

Senyor Tromp a declara, deliberacionnan tocante di e establecimiento di un compania di aviacion Antillano na Hulanda cu a termina diahuebs ultimo. Ariba e dia ey e protocol a wordé firma. E compania di aviacion Antillano lo wordé fundada promer di agosto venidero. Senyor Tromp ta mas cu satisfecho di e resultado cu a wordé logra. Como cu e gobierno Hulandes den promer instancia tabata aha di acuerdo cu e deseo di KLM pa obliga e compania di aviacion cu ta bula pa Aruba barata pa Antillas, hisa cu prijsnan pa e nivel di KLM. Despues gobierno Hulandes cambia su punto di bista y a trata comprendimento pa e interes di Aruba. Pues e deseo di KLM na e momento aki ta unicamente perhudical pa Aruba cu door di e tarivanan di Trans Caribbean Airways tin un apoyo enorme pa e apoyo turistico den e ultimo añanan. Pa Corsow pues na e momento aki tin e deseo pa hanja un compania barata tambe (Caribbean Airways) pero na e momento aki tin esaki ainda. Segun senyor

### DEPUTADO JOSSY TROMP



"E luchador cu na Den Haag convincente a gana pa punto".

(Lesar articulo pa mas informacion)

OPA CU BO  
AMIGONAN DEN  
H I - K O E - C H A  
Coffee-shop

Tromp a bisa nos e trabao duro cu a comence e otro dia y e punto di bista di Aruba, casipor bisa

tabata riba su schoudernan so. Senyor Tromp den e delegacion y tabata e unico representante di Aruba, cu e unico ministro Arubiano, senyor Lopez Beaujon den promer instancia tabata representante di gobierno di Antillas. Senyor Tromp den e delegacion Antillano y pues a gana no por a escohe mucho voto pa un solo partida.

Segun senyor Tromp a sigui declara, e telegraman cual na e momento di e deliberacionnan a wordé ricibi for di e ministerio di Aruba y den e momento di e problema di Aruba, mester a tuma un palabra cu nan a wordé treci y a defendi pa e deputado, un biaha mas a accentua esaki, a yuda a gana pa yega na e resultado di cual senyor Tromp ta satisfecho.

Senyor Tromp no a contesta ariba e oferta di e grupo di comerciantenan pa ariba propio costo bai den Haag cu un delegacion pa defender e punto di bista di Aruba, tabata pasobra na e momento ey e tabata yen di comedia cu e lo por a termina e batalla cu un victoria. "Ora cu nos siman pasa mi a sali for di Den Haag mi cabez tabata pisa, pero

en todo caso tur cos a termina bon pa Aruba", segun deputado Tromp, kende awe ta cuminsa cu su trabao normal na Bestuurskantoor.

Senyor Tromp tan pronto posibel lo informa Bestuurscollege tocante di e deliberacionnan cu a tuma lugar na Den Haag.

Entretanto e establecimiento di un compania di aviacion pa mantene vuelonan entre e islanan door di "Quisqueyana" na Aruba, cu e establecimiento di e compania Antillano lo no tuma lugar mas. Alavez a tarivanan di e compania di aviacion Antillano (C.A.A.) no a wordé trata na Den Haag. Esakinan lo wordé dicidi mas despues.

### Puestonan di manager pa Ratsma y Prins

ORANJESTAD, 23 juni. - Senyor J. Ratsma, na e momento encarga cu e direccion di e departamento di auto di Warenhuis van de Ree a hanja e oferta pa bira general manager di Tropical Bottling Company. E oferta

### BISANOS

E motibo pakiko mi ta haya "Arubaanse Courant" un diario asina bon, pasobra tur noticia ta bini na nos dushi Papiamentu, esey mi ta gozal

Glenda Geerman,  
Piedra Plat 117.

entretanto a wordé acepta pa senyor Ratsma. Cu condicion di aprobacion di un y otro door di e reunion di accionistanan di e empresa e lo tuma puesto dia promer di september venidero. Promer cu esey e ta spera di lo tin un verlof chikito ainda na Europa. Den e mes un reunion di comisarionan lo wordé dirigi tambe si senyor Arturo (Tuyo)

Prins lo wordé nombra como manager di De Veer's Transportation Company. Aki tambe tin e condicionan y e puesto lo drenta na vigor na september. Tur dos e puestonan di manager a bira vacant door di e reciente fallimento di senyor Georges Porry. E aprobacion di e accionistanan door di esaki por wordé mira como un formalidad oficial.

### Apertura Postkantoor

ORANJESTAD, 22 juni - Segun e ultimo noticianan e oficina di Land cual ultimamente a wordé tuma na uso na Oranjestad, lo habri oficialmente diasabra venidero. Na promer lugar e intencion tabata pa habri esaki diasabra ultimo, pero cu e ministro di trafico y transportacion, señor Lope Beaujon tabata na Hulanda ainda esaki no por a tuma lugar. Awor dia 27 a wordé exigí como e fecha nobo di apertura. Ta wordé spera cu hopi autoridadnan entre cual e gobernador lo asisti na e apertura.

THE FILTER CIGARETTE  
WITH RICH TOBACCO  
FLAVOR



For Your Satisfaction

### Aruba a gana serie di Volleyball

Ayera mainta a yega un telegram for di St. Thomas, caminda un seleccion femenino di Aruba a bai competi, cu e serie di volleyball femenino a wordé gana door di e seleccion Arubana. E telegram a wordé manda door di e hefe di e delegacion Roy van Putten pa e presidente di A.S.U. Tico Kuiperi. Detayenan sin embargo di cuanto wega a wordé hunga y scorenan no ta conoci ainda. Awe e seleccion femenino aki ta wordé spera na Aruba.

**FATUM**

Pa tur bo aseguranan  
Tel. 1845.

# CHROESJEF Y SEQUITO A JEGA SUECIA PA BISHITA DI 7 DIA

ESTOCOLMO, 23 juni. - E prome minister Ruso Sovietico y lider di partido Chroesjef allega companja di entre otro su esposa Nina y minister di asuntunan exterior Gromiko cu e bapor Bachkiria ne haf di Estocolmo. Un boto di marina cu a ancla banda di Bachkiria a hiba Croesjef y su sequito pa Estocolmo. Ora cu e bapor Bachkiria a drenta e haf di Estocolmo dos cazatorpedero Sueco a companjele mientras cu dos helicopter tabata bula riba e bapor. Huntu cu e loods e embahador Ruso na Estocolmo y esaki su esposa, y director dje departamento di asuntunan politico di ministerio Sueco di asuntunan exterior a subi abordi di Bachkiria. E director menciona lo compania - Chroesjef durante su henter viahe door di Suecia cu lo dura te diasabra awor.

A saluda Chroesjef na muelle su colega Tage Erlander. Croesjef ta hospeda den e castillo blancu di Haga situa ne lago di Brunnsviken den un parke masha bonita.

E castillo ta conta 15 cuarto. E entradanan pe castillo ta vigila pa polis Sueco cu a tuma medidanan serio di seguridad. Tambe polis ta patrulla den e parke. Tabatin na Estocolmo un chaos

di trafico gigantesco, ora cu e autonan den cual Chroesjef y su sequito ta, y cu ta forma parti di un rij di auto cual ta wordu companja y sigui pa motociclistanan, door di medidanan di seguridad a core directamente pe castillo Haga.

Awe Chroesjef lo cuminza deliberacionnan cu su colega Sueco Erlander.

Ayeranochi a ser parti na Estocolmo un foto di Chroesjef, cu como titulo den estilo di polis. Busca pa motibo di asesinato. Chroesjef ta ser acusa den e pamfletanan aki di a dirigi purificacionnan na Oekraïne, cu segun e pamfletanan aki a costa bida di mas o menos 400 mil persona.

E corant di gobierno e Stockholm Tidningen, a pidi 17 habitante di Estocolmo panan opinion tocante e bishita di Chroesjef. Mayoría di nan no tabata masha entusiasma cu esaki. Solamente un di nan un obrero di 36 anja a declara cu e lo ricibi e promer minister Ruso cu alegria. Un persona penshona di 75 anja a bisa, cu arma cu un kodak e lo ta presente, na llegada di Chroesjef foi curiosidad.

Un hoben stenotypista a declara, si mi tin tempo lo mi bai mira

e llegada di Chroesjef. Ta parse cu e ta un persona humoristico y ta stima mucha. I4 otro a laga mira claramente cu nan no kler tin nada di haci cu bishita di Chroesjef. Un ama di cas y mama a bisa: Mi no ta comprende, cu despues dje asunto Wennerstroem e tin e osadia di bishita nos.

Den su discurso Erlander a llama Chroesjef bienveni. E politica neutralista di exterior di Suecia tin mes fin cu e politica di exterior di Rusia, di entre otro llega pa un coexistencia pacifico di paisnan cu diferente sistema social, segun Erlander. El a agrega: "Nos ta kere cu e relacionnan entre nos paisnan lo por sigui desarolla den probecho mutuo, locual lo contribui tambe pa un comprension Sueco Ruso mas grandi. Chroesjef a contesta:

"Mi ta considera mi viahe como un bishita na un bon bisinja di Rusia. Den Rusia tin comprension pa e politica neutralista di exterior di Suecia. E punto di bista di Rusia y Suecia enfrente di e hopi asuntunan internacional ta di acuerdo cu otro o hasta igual cu otro.

Ta solicita pa inmediatamente

**OPMAAK REDACTEUR**

pa traha na Corsow pa

**ARUBAANSE COURANT**  
Bon salario

exihencia: MULO - RESPONSABILIDAD - CAPACIDAD PA DIRIGI TRABAJO

Dirigi solicitacion tan pronto posibel na oficina di e diario aki, Nassastraat 85, Oranjestad. Fabor menciona ariba e envelopa Letternan "ORAC"



Materialnan di construccion calidad y na prijs atractivo sey ta solamente na

**PETRONA & CROES (ARUBA) N.V.**

**NOBO NOBO NOBO**  
NASSAUAstraat 34


Nos a caba di habri algo nobo Linnen cu Seda, bonita disenjo Katuna Drip-Dry nobo, Zandri cu no ta machiká y cu disenjo moderno. Silk Chiffon puro, den tur color. Cerca nos tin disenjos apart e tela pa cortina. Y semper e prijsnan ta mas abao.

**H.R. DENNERT**  
ARTS

Ausente te dia 3 di Agosto

na su lugar:

**Dr. H. Keuls**  
Tel. 7224 of 3248.



## O. DE KORT PROMER CANDIDATA PA REINA DI DEPORTE 1964

ORANJESTAD, 23 juni. - Dia-razon dia promer di juli 1964, e programa di e decimo A.S.U. olimpiade lo worde inaugura den Wilhelminastadion. Manera tur anja lo tin atrobe un desfile di clubnan y organisacionan deportivo di nos isla. Clubnan cu no a haci nan inscripcion ainda ta worde recorda di haci esaki ya cu ta te dia 26 di e luna aki, inscripcionnan ta worde accepta door di sr. Johnny Oduber, kende ta encarga cu e desfile. Na telefoon 1023 (despues di 3.30 di atardi) of 1623 den dia, formularionan pa naci e inscripcion por worde solicita. Tambe pa reina di deporte e fecha di inscribi candidatonan ta asercando. Awe dia 24 ta ultimo dia pa oficialmente haci inscripcion di candidatonan serca sr. Alex Mansur, kende ta miembro di e comite organisador cu ta encarga cu e eleccion di reina di deporte di Aruba pa anja venidero. Manera nos por recorda anja pasa mas di diez candidata a competi pa e titulo di reina di deporte saliendone eligi srta. Doris Habibe, kende su reinado ta tocando na su fin. Ta un cifra record cu dificilmente lo

por worde kibra. Pa e anja aki tin inscribi te awor, senjorita Olga de Kort. Como candidata di A.B.B.A. dia 24 lo ta ultimo dia di inscripcion.

### "Capilla Emanuel" un forma apart

E capilla Emanuel cual ultimamente a worde destaja y cual lo worde construi na Weg Kustbatterij na San Nicolas, segun nos a worde informa door di pastoor B. van Baars di San Nicolas, lo ta un cu forma apart. E planjador a duna e parti padilanti tal forma, cu ta asina cu parse cu di leuw e kier invita e hendenan pa drenta e capilla. Unabez cu hende ta paden, mes ora bo ta constata locual ta di mas importancia den e lugar, como cu tur muraya, tur balki, plafond etc. ta bai den un punta. E koro di pastoor manera ta worde muestra ariba e dibujo ta un moderno, pero sin embargo simpel, ariba e altar y ambos tin dos spotlight natural, door di cual e luz di solo ta drenta paden y

door di cual un esfera especial ta worde crea. Tendiendo cuenta cu biento y luz shutternan vertical a worde pon den henter e largura di e iglesia.

Alavez tin un primeur ariba tereno di eliminacion cu ariba distancianan regular assymetrisch "Invisible lights" den plafond, for di cual ta sali luz masha skerpi pero cu no ta bonce,


### Little Rock a gana Wilson 9-1

(Di Nos Redactor Deportivo)

E campeonato clase A di baseball a continua cu wega entre Little Rock y Wilson. Cu score di 9 pa 1, Little Rock a resulta vencedor conectando 11 hit y cometiendo 2 error. Wilson a conecta dos hit y pifia dos biah. Pitcher ganador tabata R. Rasmijn, perdedor A. Maduro.

**KNSM**

*your line*



**TELEPHONE 1777-3 LINES**  
**SCHEDULE OF ARRIVALS/DEPARTURES AT/FROM ORANJESTAD**

NOMBER:	FECHA:	FOR DI:	PA:
THERON	25-6-64	U.S. Atlantic Ports	Venezuela, Port of Spain, Gr. Antilles, Europe.
ARTEMIS	28-6-64	Europe.	U.S. Gulf Ports.
FLOTTBEK	1-7-64	Italy, Spain, Portugal	Venezuela.
SOCRATES	1-7-64	U.S. Gulf Ports.	Curacao, Venezuela, Trinidad Barbados, Georgetown, Paramaribo, Cd. Bolivar, Europe.
ULYSSES	2-7-64	Europe.	Bonaire, U.S. Gulf Ports.
PARTHENON	2-7-64	U.S. Atlantic Ports.	Venezuela, Georgetown, Paramaribo, Canada.

**IN MEMORIAM**

DEDICANA VIUDA

MARIA MAGDALENA STATIUS.  
(q.e.p.d.)

M. ama fiel y stima.  
A. we nos ta recorda,  
R. iba bo dianan di dolor  
I. cu pasenshi bo a wanta,  
A. sina keto, pa no haci bo yiunan sufri.

M. ama, bo a bai laga nos,  
A. sina triste y desconsolá.  
G. randi tabata bo deseo,  
D. i keda más serca nos.  
A. nque bo deseo no por a ser cumpli,  
L. o nos conforma nos cu boluntad di Dios,  
E. triste separación di e Mama bon.  
N. a bo tumba nos lo reza y  
A. gelnan lo canta p'abo.

S. antonan den cielo,  
T. a roba pidi Dios,  
A. wor pa bo alma.  
T. ata celestial,  
I. tur su angelnan,  
U. n dia lo hibabo den su Reino.  
S. osegá na paz, Mama stima.

H.M. Statius

Laurens Costerstr. No. 15.

**NOTICIA DI POLIS**

ORANJESTAD, 23 juni. - Durante di e ultimo week-end a orde cometi en total tres robo a San Nicolas. Uno den un cas, aminda tur cos a worde bira riba abao pero sin cu nada a orde hiba. Aki e ladronnan a tra den bashi. Tambe den un ar a drenta ladronnan cu intencion di horta, pero no a worde hiba nada. Den un tienda aminda tambe e malhechonan drento na tabatin mas exito, pero cu e donjan laga cincuenta florin cual naturalmente a worde porta.

Decherche ta investigando e caso. Diadomingo marduga banda di or a tuma lugar na e cruzada Fergusonstraat y Awakatristraat. Un dakota y un auto A-4778 maneha pa J.S. y B.L. respectivamente pa J.S. y B.L. auto ultimo menciona despues a choka cu e otro a bai ariba e auto A-8340 di C.L. ara y despues contra muraya cas Fergusonstraat 10. E total danjo causa ta dos mil dos y cincuenta florin. E chauffeur di A-2514 mester a worde transporta pa hospital y tuma observacion como cu e tabata na di tin dolor na lomba.

Otro accidente di auto cu a tuma lugar diadomingo marduga un minuut despues di cuat'or ta esun den cual e auto A-5622 maneha pa un tal A.B. a tuma un proteccion di palo di or di den tera y despues a bolter. E accidente aki a tuma lugar na Rooi Lamunehi. E chauffeur y e pasaherunhi a hiba algun raska y des- di tratamento por a balca. E keda total loss, mientras e palo di proteccion un di dos cien y cincuenta florin worde causa. E auto na Kibaima tabatin un week-end cu a pasa. E na banda di diez'or di ora cu e auto A-5622 y A- maneha pa respectivamente y M.G. a dal ariba otro. Danjo material ta total diez florin.

Na Pos Chikito diadomingo banda di dos'or y mei di atardi e auton A 8490 y A-3098 maneha respectivamente pa F.D. y R.L. a dal ariba otro. E auto A-8490 a hanja un danjo material di tres cien florin, mientras cu e otro auto no a hanja ningun danjo.

Na altura di Macuarima ariba e caminda di Kibaima pa Tanki Flip, e auton A-2127 y A-377 a dal ariba otro. E auton tabata worde maneha respectivamente pa J.C. y C.L. Danjo material ta total 1200 florin.

Na Sabastrat banda di diez pa siete diadomingo ultimo e hobencito A.H. di diez cinco anja a worde gedal pa e auto A-4778 maneha pa I.P. Esaki a sosode como cu e hoben kende tabata camnando cu su ruman muher di nuebe anja di ripiente kier a cruza caminda. El a hanja algun raska, y des- di tratamiento e por a bai cas. Durante e ultimo week-end a tuma lugar en total nuebe choke cu a causa un danjo total di 6.800 florin. Tres persona envolvi den e accidentenan aki a keda herida.

**Homerun di Falconi a duna Oso Grape triunfo**

(Di Nos Redactor Deportivo) Diadomingo y pidiem partido di e playoff pa primer campeon y subcampeon 1964 di baseball little league a worde hunga den Ione Palm Stadium na Seroc Colorado. A enfrenta otro O So Grape campeon di Liga Nord y Super Cleaning campeon di Liga Zuid. Tabata un interesante partido cu a worde dieiti te den di sexto turno. Ora cu Haine Falconi di O So Grape a conecta un homerun cu un companjero nabato. E balazo di Haine tabata sumamente oportuno pa e novena di O So Grape ya cu na e momento ey nan tabata perdiendo 2 pa 1. Cu e homerun ey O So Grape a



Free port shopping... Casinos... Exotic Cuisine... U.S. type nightclubs... Hunting... Fishing... A Fiesta!

Your holiday includes:

- Roundtrip Jet Economy fare from Aruba
- 8 days at truly luxurious hotels
- Transfers airport-hotel-airport
- Sightseeing excursions of each city
- Breakfasts and dinners in Puerto Rico and Curaçao

All-inclusive price, per person (double occupancy in hotels): F.406.40



Ask for this free folder with all the details at your Travel Agent or at S.E.L. Maduro & Sons, Inc.



World's most experienced airline

S.E.L. Maduro & Sons - General Agents Curaçao - Aruba - Bonaire

bai ariba 3 pa 2, cu cual score e partido a termina.

O So Grape a conecta dos hit y comete dos error. Super Cleaning tabata tin cuatro hit y a comete dos error tabata.

Pitcher ganador tabata E. Correa perdedor S. van ter Pool. Cu e triunfo aki O So Grape a bai adlianti den e Sc Grape y nan tin mester di un triunfo mas pa titu campeon di nos isla.

E segundo wega di e playoff lo worde hunga Diarazon, majan anochi den Wilhelminastadion - cuminzando pa 7'or di anochi.

Si esaki resulta un triunfo pa Super Cleaning, anto e playoff ta empata y e ora diadomingo awor lo worde hunga e tercer y decisivo wega.

Si O So grape ripiti su triunfo majan anochi, anto nan ta automaticamente campeon y Super Cleaning ta keda subcampeon.

Otro resultado di little league tabata e ultimo wega hunga entre Pepsi Cola y Nutricia hunga den Wilhelminastadion. Tabata e ultimo wega di e temporada regular y Pepsi Cola a resulta vencedor cu anotacion di 12 pa 4. E ganadornan a conecta 7 hit y comete 2 error. Nutricia a conecta cinco hit y comete un error.

Pitcher ganador tabata E. Tromp perdedor E. Roza.

**Aruba den "Argosy"**

ORANJESTAD, 23 Juni. - Den e edicion di Juli de periodico americano "Argosy" un articulo extenso tocante di Aruba a worde publica, cual a worde scribi pa Martin Deutsch. El a worde publica den su

rubrica "Travel Trails" cu e titulo "New island in the sun" y bao di esaki el a scribi: "Its name may sound like a claxon horn, but the tiny speck of caribbean scenery called Aruba is your best for vacation pleasure". Hopi kolomnan largo a worde usapa e bunita discricion di Aruba door di Martin Deutsch. "There's this tiny island in the caribbean sun that has caught tourist fire. Its name is Aruba". Na otro lugar den e mes un edicion por hanja un publicacion, di "Free Travel Literature" cual ta desponibel pa e lectornan cerca "Argosy Travel Information Service". Tin ocho lugar di cual literatura tocante bialha menciona. Como promer ta worde menciona "Aruba" despues sigui pa Alaska na di dos lugar, Surinam na di tres, Pensylvania na di cuatro y despues ta sigui ainda New Jersey, Minnesota y New York.

E cuanto Aruba ta worde bisa: "This small caribbean island is anything but small when it comes to vacation values". The airline or cruise accommodation are wonderful, as well as living facilities on the island. The weather is eightjish the year round, with tempting beaches, water, eateries and unusual scenery. Don't miss the dragon's mouth doubler and natural rock bridges plus the pictures capital, Oranjestad perfect for the camera buff. Entertainment is high in fun and low in price. The whole family benefits from the big bargain buys between swimming, tennis, water skiing and relaxing of course. "Argosy" segun senior Jack Wangh di e oficina di public relation na Estados Unidos, Meijer

Met dankbaarheid aan God geven wij met groote blijdschap kennis van de geboorte van ons dochtertje en zusje

**ROSALIND GISELLE**

**MARIA**

Elsa en Frans Tieleman-Laclé, Grace.

Nassastraat 119, Tijdel. San Pedro Hospitaal.

Aruba, 21 juni 1964.

Associates, tin un total di 1.327.000. periodico. Tambe den e articulo aki Hank Meijer Ass. a duna un cooperacion importante.

**ESSO-HEINEKEN'S 1-0**

Diadomingo merdia e noveno AA di Esso Servicecenters a obtene triunfo cu e minimo score posibel ariba e equipo cerecero di Heineken's, esta 1-0. E lanzador derecho Emiliano Jansen ta esun cu a percura pa tene Heineken's sin anotacion resultando asina sin pitcher ganador. Pa Heineken's a perde Sam Jacobs, tambe nan derecho estelar. Cu e wega aki e promer round di e campeonato AA a worde completa. Y e posicion di e cinco equiponan na e momento aki ta lo siguiente:

CLUB	WG	WP	WA
Esso	4	0	--
Heineken's	2	1	1
Winston	2	2	2
Zenith	1	3	3
Verf Antillana	0	1	1

# Promer minister turco a yega Merca pa conferencia cu Johnson

Washington, -- UPI -- Presidente Lyndon B. Johnson awe lo consultá cu Ismet Inonu, promé ministro di Turquía, pa studia tur e maneranan posibel pa evita un guerra entre Grecia y Turquía pa e cuestion di Chipre.

E gobernante turco a yega Merca ayera y a pasa anochi na Williamsburg, den e estado Virginia. E lo bai Washington awe y mañan pa conferencia cu Johnson. E prome ministro griego George Papandreu lo yega aki nan diarason awor pa tene consultanan similar cu Johnson. Nan a tuma tur tipo di precaucionnan pa evita cu e gobernante turco y griego lo topa cu otro den e capital aki.

Un ratu despues qu el a regresá ayera di un gira di dos dia door di California, presidente Johnson a ser informá riba e ultimo acontecimiento di Chipre pa parti di Dean Rusk, secretario mericano di estado.

E comunidanan griego y turco di Chipre ta luchando cu otro for di december ultimo, y den cual lucha e presidente chipriota, arzobispo Makarios, a cambia e constitucionnan pa priva e vicepresidente turco di e derecho di veto riba e decisionnan presidencial y a tuma otro reformanan.

Dos siman pasá, un forsa turco di invasion tabata riba laman, preparando su mes pa bira basha riba e isla Chipre, a fin di protehé e minoría turco riba e isla. Grecia tabata menasá cu su propio invasion pa contestá esun di Turquía.

Na momentonan qu tur dos pais

tabata a punto pa cuminsá e guerra presidente Johnson a pidi Inonu pa stop tur accion y pe bishitá Washington pa tene deliberacionnan. Ne mesun tempu, el a invitá tambe Papandreu.

Turquía y Grecia al parecer awor a ocupá posiconnan imposibel pa reconciliá. Turquía tabata reclamá un federacion of parti e isla na dos. Grecia ta oponé su mes cu tur dos plan y ta exigí pe gobiernu di e isla mester ta den man di

## S.C.A. elimina door di Bubali

(Di Nos Redactor Deportivo)  
Pa e copa obsekia door di Eagle Beach Bar a cuminsa diadomingo atardi un torneo eliminatorio organisa door di directiva di Jong Aruba. E promer partido a bai entre C.S.A. y Bubali, cual partido a worde gana cu score di 2 pa 1 door di Bubali.

Na halftime e partido tabata empatá na un gol pa banda y ta mandando contra di biento Bubali a logra e gol cu a duna nan e triunfo y a converti nan den ganador A. Cu e triunfo aki mes caba, Bubali ta situa su mes den e finale di e torneo.

Diadomingo awor e torneo ta continua ora cu Sport Boys y Jong Aruba enfrenta otro pa dicidi e ganador B cu lo tin di hunga contra di Bubali den e finale.

E partido di Diadomingo pasa tabata uno interesante di cual e fanaticonan presente a goza hopi.

e mayoría -- di e chipriotan griego -- cu proteccion pe derechonon di e minoría turco.

Johnson lo cuminsá su deliberacionnan, segun fuentenan autorisá a informá, sin un plan of solucion pa e problema. Estados Unidos, asina nan a agregá, ta considerá cu e mihor perspectiva di e solucion ta den "discusionnan responsabel y efectivo entre e dos comunidanan," si esaki por ser tené. Y en realidad esaki ta worde tené.



E trahadornan Antillano cu a bai Hulanda pa traha serca Bronswerk a jega bon. E portret aki ta muestra e grupo durante e discurso di bonbini di personal di "Bronswerk" senjor M.A.M. van Berkel den e cantina di Schiphof.

## INFORME FINAL DI COMISION WARREN TA SER ANALISA

Pa Jack van derberg  
Washington, -- UPI -- Personal di e comision Warren a cuminsá e analisis di su memoria pa ta sigur qu elo duna contesta na tur e posibel preguntanan en torno e asesinato di difunto presidente John F. Kennedy.

E comision, encabesá pa e hues Earl Warren, a completá su lista di testiguan ora que hefe di servicio secreto James J. Rowley a ser interrogá tocante di e medidanan qu nan ta tuma pa proteccion di e presidente y e forma di cual e sistema por ser mehorá. Den fuentenan bon informa a worde bisa qu nan lo laga yama otro testigu solamente si presentá interrogantenan adicional durante e revision di e informe cu e personal ta preparando pa e comision.

Gran parti di e documento ta redactá caba ya qu mientras e comision tabata tumando declaracionnan di mas o menos 200 testigu, un dozijn di abogado nan tabata atendé e capitulonan. E comision a fija dia 30 di juni como fecha pa entrega e informe na presidente Lyndon B. Johnson y cual su texto por ser duná mesora na publicidad. Algun miembro di e comision ta duda cu nan lo haya un redaccion definitiva di e documento pa e fecha aki.

E personal ta hañe dilanti un trabao ciclopea y solamente ta falta li dia pa e fecha cu nan a fija.

Te ainda nan tin qu logra aprobacion di e informe pa parti di e siete integrantes di e comision, quendenan tin qu lesa y studia un documento di practica-

mente un cuarto millon palabra minuciosamente. E informe tin cu supera e problema di e declaracion diferente di e mama y e señora di Lee Harvey Oswald, supuesto asesino di e presidente, quende na su turno a ser asesiná pa Jack Ruby.

## PROMER ASALTO NA FERIA MUNDIAL

Nueva York, -- UPI -- Dos humber ayera a asaltá e restaurant Galaxy den e Feria Mundial, mara dos cajera y a logra na scapa cu mas di 10.000 dollar. E robo, qu a ser realisá den e restaurant qu ta situá den e pabellon di blajenan y transporte, ta e promé qu a tuma lugar den e Feria, qu a ser inaugurá dia 22 di april.

Polisnan a bisa qu e dos asaltantenan, quendenan no tabatin arma serca nan, primeramente a mara e cajeran y a bisa

Mama di Oswald ta sostené qu su yiu no tabata nada mas cu "victima riba cual nan a carga faltanan di otro hende.

Pa su parti Marina, esposa di e presunto asesino, a bisa qu e ta convenci di qu e ta e asesino, y ademas, a actua e so.

nan pa keda ketu. Seguidamente nan a cohe e placu qu a ser ganá e dia ey, na momentonan qu nan tabata prepará esaki pa transportele den un triciclo blinda.

E mucha muhernan, di mas o menos 20 aña di edad, a ser doli pe subgerente di e restaurant, quende a yega ne lugar un ratu despues di e atraco.

Polis di e Feria y Municipal busca e asaltantenan den sector di e Feria, cual 152.336 persona a bishita ayera, pero en vano.

## TEDDY KENNEDY MEHORANDO

Northampton, (Massachusetts), -- UPI -- Senador Edward M. Kennedy, awe tabatá sigi duna señalnan di mejoría di e lesionnan qu el a sufri den un accidente di aviacion den cual dos otro persona a muri.

Un grupo di dokter y especialistasnan quendenan ayera a examina e senador di 32 aña di edad a bisa qu su respiracion, polis y presion di sanger "tabata den e limitenan normal y qu su barica "awor ta basta bon," pero e

pacient mester keda den e hospital local Colley Dickinson, pa un minimo di 10 dia mas.

E senador di Massachusetts ayera a ricibi bishitá inespé di su cuñá, señora Jacqueline Kennedy, viuda di e presidente asesiná John F. Kennedy, quende a bini for di e residencia di e familia Kennedy na Hyannis Port. E ex-primer dama tabata mester o menos 15 minuut den kambio di su cuñá y a conferenciá extensamente cu e dokternan.



E portretnan aki ta muestra e participante nan na e conferencia di Tokio tocante e kestion Maleisiano cu tabata di corta duracion. Ariba: e premier Philipino Diosdado Macapagal combersando cu premier Rachman di Maleisia (drechi) Abao: President Soekarno (robez) huntu cu premier Macapagal.

# Temor pa serie di incidentenan antisovietico na Stockholm

Estocolmo, -- UPI -- E promer ministro sovietico Nikita Khrushchev, rondona pa medidanan di seguridad estricto, a yega e ciudad aki awe pa un bishita oficial na Suecia, solamente algun ora despues qu polisnan a haña nan mes enfrente di e promé, di loke nan ta teme lo ta un serie di incidentenan antisovietico.

Dos bandera sovietico a ser bahá y destruí a lo largo di e ruta te ne palacio Haga, qu lo ta e residencia di e gobernante sovietico, durante su bishita di 5 dia.

Khrushchev, su esposa Nina, e ministro di relacionnan exterior Andrei Gromyko y un comitiva basta grandi, a yega ne bahia aki den un barcu sovietico, despues

di un biaje di un dia for di Dinamarca.

Khrushchev a subi bordo di un torpedero sueco pa bai e muelle. Na terra el a ser saludá pe promer ministro Tage Erlander, social democrata quende tabata dirigi e asuntunan sueco hopi tempu promer qu Khrushchev resultá triunfador den e lucha pe poder sovietico qu a sigi despues di inorto di Josef Stalin.

E sueconan ainda ta disgustá pe robo di nan secretonan di defensa, pa parti di un coronel di forsa aerea sueco, quende durante 15 aña tabata agente bon pagá pa sistema di spionaje ruso.

Tambe ta existi resentimiento ne pais aki pa e suerte descono-

ci di Raoul Wallenberg funcionario consular sueco quende a desaparecé ora qu e sovieticonan a invadi Budapest na aña 1945, y tambe e sospecha di qu e marlinonan sueco di barconan torpedero a ser capturá pe sovieticonan durante segunda guerra mundial y qu kizas ainda nan ta prisionero.

## Prawda ta acusa China di mentira

MOSCU, 25 juni. - E organo dje partido comunista Ruso a critica China en relacion cu un articulo den un corant Chines. Den esaki ta ser bisa, cu China gracias pa su propio gobierno a logra di vence e bloqueo di imperialistanan Mericano y varios dificultad, causa pe grupo di revisionistanan na Rusia.

Prawda ta acusa, cu nes manera aki, cu un solo linea nan a scrap anjanan di trabao desinteresada dje pueblo Ruso, cu fraternalmente a comparti su experiencia su conosimantu y su fuentenan material di ayudo cu e pueblo Chines. E organo Ruso di partido a agrega, cu e insinuacion Chines, cu China a obtene exitonan industrial, sin ayudo, no por ganja ningun hende. Ayera un comentarista a scribi Prawda cu e Chinesnan no mester conta cu ayudo Ruso, ora cu nan ta den dificultad, si nan sigui cu nan campanja vil anti Rusia.

## Triunfo pa Brazil y St. Jan's knapen

(Di Nos Redactor Deportivo)

E campeonato di baseball junior league a continua cu dos wega durante e ultimo weekend. Diasabra Brazil a derota Hilton 5 pa 3 den partido caminda e dos teamnan a conecta cada uno cinco hit. Brazil a hunga sin error y Hilton a pifia den tres ocasion. Pitcher ganador tabata R. Duncan perdedor V. Tromp. Diadomingo St. Jan's Knapen a supera Wilson cu anotacion di 11 pa 1. Cuatro hit a worde conecta door di e ganadornan contra di cinco di e perdedornan. St. Jan's Knapen a comete un error, Wilson dos. Pitcher ganador N. Maduro, perdedor A. Wouters.

## Aruba Jrs. a tumba invicto di Valiant

(Di nos redactor deportivo)

E equipo femenino di Aruba Jrs. Diaviera anochi a obtene un triunfo di diescuater pa diez uno ariba esun di Valiant den un interesante partido. Einvicto cu den cuarto partido e damanan de Valiant a logra mantene, a worde kibra cu esaki door di Aruba Jrs. D. O. Monart, tabata topscorer di Aruba Jrs. cu seis punto, mientras cu P. Winterdaal tabata e mihor di Valiant tambe cu seis punto. Apesar di e derrota aki Valiant ta continua so na cabez ainda di e campeonato femenino. Aruba Jrs. tirawor tres punto na su nomber ya ta empatá cu Caribe den segundo puesto. E partido masculino di e anochi tabata di e clase B. entre Victoria y Y.M.C.A. cu score di treinta y siete pa binti den favor di Victoria e partido a termina Topscore di Victoria tabata C. Fairup cu diez cuater punto y di YMCA R. Hodge tabata e mihor cu shete punto.

## Robo den joyeria mas grandi di Glasgow

Glasgow, (Escocia), -- UPI -- Durante e fin di siman aki, personanan desconoci a habri un caha di seguridad di e joyeria mas importante di Glasgow, y a logra scapa cu joyanan valuá na mas di 100,000 libra esterlina (280,000 dollar).

Empleadonan di e compania a descubri e suceso awe mainta ora cu nan a yega trabao. Un funcionario di e compania, Edward & Sons, a bisa qu "tabata un botin grandi." "No solamente qu nan a bai cu joyanan di nos, sino tambe algun di propiedad particular." Nan ta kere qu e ladronnan a penetrá den e edificio cu yabinan falsu y a usa explosi-

vonan pa habri e caha di seguridad.


E sistema di alarma no a funciona pasobra e cabenan a ser cortá. Nan ta kere qu gran parti di e botin tabata di renchi y oloshinan.

Un agente investigador a bisa qu ta trata di e robo di joyanan mas grandi qu jamas Escocia a conocé. Riba entrada di e joyeria tabatin cartelonan qu tabata bisa "Awe nos ta serrá."

Un compania di seguros a ofrecé 7 mil libra esterlina (19,600 dollar) como recompensa pa informacion qu ta permiti recuperacion di e joyanan.

## Prohibicion pa demostracion

ST. AUGUSTINE, 22 juni. - E gobernador di e estado Mericano Florida, Farris Bryant, a proclama un prohibicion di demostracion pa e ciudad St. Augustine



Hungando cu Avionnan - Inglaterra ta hungando cu avionnan chikitu, pero no pa nada. Aki un helicopter di Royal Navy ta hisa un modelo di palu di e avion supersonico Concord durante testnan na Bedford. For di cierto altura nan a laga e modelo los y su actuacion durante vuelo a ser transmiti pa terra door di un transmisor construi den dje.

entre mitar di nueve anochi y mainta. Violacionnan di e prohibicion por worde condena cu un boet di 500 dollar of seis luna di prison.

E gobernador a declara cue e cuerpo policial di e ciudad 200 homber ta muchu chiqui pa por mantene orden suficientemente.

E medida ta contra di un decision cu tribunal federal a tuma recientemente, den cual derecho pa demostra a worde recupera. Ultimo tempo tabatin diferente incidentenan na St. Augustine entre hendenan cu ta na fabor y contra di separacion racial.

Aunque cu esey tabata prohibi tog mas o menos 100 hende di colo y algun blancu a tene un demostracion ayera noch na St. Augustine. Pero polis a plama nan for di otro.

## Arestacion na Sur Rhodesia

SALISBURY, 23 juni. - Un bo-sero dje polis Sur Rhosesiano a participa, cu Sithole, president dje union africano di Rhodesia del Sur, a keda aresta a base dje ley riba mantension di orden publico.

E arestacion aki tin relacion cu publicacion di un documento di cual e contenido ta ser considera destructivo pa gobierno. Sithole ta un ex colaborador importante di Nkoma, lider dje consejo popular provisional, kende foi April a ser obliga di keda algun caminda na Rhodesia del Sur. Tambe e secretario general dje union Africano nacional, Robert Magabe, a keda aresta den e ultimo fin di siman pero a ser laga den libertad despues contra pago di un suma di garantia. Varios otro funcionario y partidarioman dje partido ta den un lugar di permanencia cu nan a ser indica despues di bringamentunan serio, cu tabatin cuminzamentu dje anja aki entre union nacional africano y un otro partido nacionalista.

**GENERAL ELECTRIC**

**GUARANTEE & ECONOMY**

**don't miss this air conditioner value!**

**1 HIGH CAPACITY COOLING**

*Plus*

**2 REMARKABLY QUIET OPERATION**

**IMMEDIATELY AVAILABLE FROM STOCK**

*room air conditioners*  
**For any room: your bedroom, livingroom office ETC.**

Model		
RL 504 B	9300	BTU
RH 601 B	12500	BTU
RF 604 C	13000	BTU
RD 801 B	16500	BTU
RD 901 B	19000	BTU
RD 101 B	22500	BTU

**SINGLE PACKAGE COOLING UNIT FOR COMMERCIAL INSTALLATIONS**

TC 36	36000	BTU
TC 48	48000	BTU

**GENERAL ELECTRIC**

FOR MORE INFORMATION PLEASE GIVE US A RING. AND OUR TECHNICAL STAFF WILL PROVIDE YOU A COMPLETE AND ACCURATE SURVEY, FREE OF CHARGE THERE'S NO OBLIGATION!

TEL. 2958  
ORANJESTAD

TEL. 5182  
SAN NICOLAS

## Sport Boys a gana Dakota

(Di Nos Redactor Deportivo) Diasabra anochi e campeonato di futbol 1963/1964 a keda oficialmente clausura den Wilhelminastadion. Na e ocasion aki directiva di A.V.B. a organisa un partido amistoso entre e campeonnan di e dos clasenan mas halto di nos futbol. Esakinan tabata Dakota, campeon di hoofdklasse y Sport Boys campeon di A-klasse, equipo cu alavez lo ta e benhaminnan di e compe-

titive di hoofdklasse cu ta anuncia pa cuminda meimei di otro luna.

E partido amistoso aki a worde gana door di Sport Boys cu score di 1-0. E equipo hoben aki a haci bon impresion den e wega demostrando un bon preparacion fisico. Indudablemente ta preparando nan mes pa haci e mehor posibel papel den hoofdklasse. Copanan na e campeonnan y subcampeonnan a worde entrega e anochi ey na e representantenan di e deferente clubnan.

## Examen Mulo-A ta continua

ORANJESTAD, 23 juni. - Ayera a continua na Club Boneriano na San Nicolas e examennan pa diploma MULO A. Di e binti candidatonan, tres no a pasa. Esnan cu a pasa ta lo siguiente: Wilma H. Brunings, Florentina Croeze, Francisco de P. Wester, Theresia F.M. Fornara, Jeanette F. Lioe-A-Jam, Eline O. Priest, Carol H. Lejeuz, Filomena M. Tromp, Janet E. Alexander, Vilma P. Pieterella, Patricia Wong Shun, Rudolph Quashie, Mathilda G. Vloor, Virgilio P.M. Semeleer, Hubert Oduber, Alberto Falconi, Antonio J. Correa. E mihor entre e diezsetenan aki ta Carol Lejeuz. Dos candidato cu mester a haci examen completario pa Mulo-B esta Lucette R.F. Hansen y Pamela A. Brook tur dos a pasa cu bon exito.

## TROFEO NARANJA

Valencia, -- UPI -- Nacional di Montevideo a derrota Flamengo di Rio de Janeiro cu minimo score di uno-cero den nan par-



Ingrid Bergman a gana admiracion di hopi hende 24 aña pasá dia cu ela cuminsa su carrera filmico na Merca. (foto arriba). Y hasta den su ultimo papel di cine, abao, Ingrid ta sigui como un di e estrellanan mas fascinante di cine.

tido pa e torneo triangular di futbol "trofeo naranja." Na final di e promer tempu ya a score tabata uno-cero.

# Elke Sommer Tocante Muhernan Aleman

Hollywood, -- UPI -- Nos ta den e era di e edicion nobo di e belidad Aleman, e patronchi mas reciente di belleza femenina cu Europa a manda Hollywood. Y e mihor ejemplo bibu di e tiponobo di belleza y encanto di e sexo debil ta Elke Sommer, aki na e "Mecca di Cine."

Elke ta un popchi blond cu un silueta linponente y wowonan blauw cu ta pone nos corda esnan di un mucha chikitu. No tin duda cu e contrast cu e apariencia tradicional di e tipo di beldad Aleman di otro tempunan ta salta a vista.

Durante siglonan, e muher Aleman ideal tabata pisa 90 kilo, e tabata rond na tur banda, e tabatin wangnan corrá manera un apel, un seno amplio, vlechtan largu cu tabata cai riba su pechu y lomba, y pa loque ta general e tabata gusta di tin un glas di cerbes den su man drechi y un worst den su man robes.

Sin embargo tempunan a cambia, y awor e bellezanan clasico di Francia, Italia y e paisnan Escandinavo a topa cu un rival den e hubentud femenina di Alemania. E mucha muhernan aki ta hañando e mihor lugarnan como modelo den henter e continente biew, nan ta haña e mihor puestonan den e revistanan musical na Paris, incluyendo e shownan desnudo, y tambe esnan cu ta bayendo ta invadí cine pa imponé nan hegemonia.

Elke Sommer ta papia di e cambio aki den e panorama cu frase nan directo.

"Nos pais," e ta bisa, "tabata atras cerca Merca den e sentido aki cu no menos di dies aña, for di dia cu segunda guerra mundial a caba. Awor nos a alcanzá Estados Unidos. Hobennan Aleman no tin e meta mas pa bira amanan di cas gordo cu ocho jiu.

Gracias na Estados Unidos nos a siña mihor pa cuida nos apariencia, nos make-up, nos huñanan, nos cabel y nos curpa."


"Semper muhernan Aleman tabata bunita, pero nos no tabata presta basta atencion na e belleza, ni tampoco nos tabata estimulá e realidad ei. Awor cu e prosperidad di Alemania (Occidental) tin mas placa y nos por gasta mas placa na pañanan, atencion personal, na interes y cuida di e belleza di e muher Aleman. E hobennan a convencé nan mes di e cambio aki y nan ta trata di luci mas mihor posibel, na tur momento. Antes esei no tabata pasá."

Elke, ta kere cu awendia tin mas mucha muhernan bunita den e cayanan di Berlin cu na Paris, of Roma. Despues e ta sentenciá: E patroonchi di e belleza Aleman a ser fiñá pa e muher Americano. Mi ta kere cu nos parse mas riba nan cu riba Europeoan, afinidad cu tambe ta ser mirá den campo di musica, moda, economia...y bon, den tur cos of casi tur cos."

Bisti cu carson pertá blancu, blusa blauw cu cielu los, y sweater tambe blauw, Elke ta pone un fin na e entrevista bisando: Cada dia nos ta parse mas riba e norteamericanan."

## Bringamento pisa na Sur Vietnam

SAIGON 23 Juni.- Di fuente militar bon informa na Saigon a ser participa, cu trupanen Sur Vietnam di paracaidistanan ayera a perde na bringamentunan cu trupanen vietcong comunista den provincia Kien Toeong na 80 km di west di Saigon, 20 militar cu a worde mata y 72 cu a keda herida. Di fuente di Vietcong a cal den e bringamento 12 homber. Te ainda nan ta perdi 46 homber cu ta pertenece e personal militar especialista di Vietnam Del Sur. Un militar sur Vietnam cu a subrevivi e bringamento a bisa, cu tambe un oficial a muri cu dos militar mericano a ser cohe presu pa Vietcong.



Murayanan di prison ta rondón e capilla di San Judas Tadeo aki ne institucion Eastern Correctional Institution, na Napanoch, N.Y.

E capilla di 150,00 dollar mester ser bendicioná awe pa Cardenal Spellman y a ser trahá cu fondo di un campaña di dos aña, durante di cual stampianan a ser colectá pa tur e personanan generoso di e pais.

## Incidentenan na B.G. ta continua ainda

GEORGETOWN, 23 Juni. Na Guayana Britanico, ayera tabatin

atrobe irregularidadnan. Soldanan britanico a ser manda pa un lugar cerca di capital- Georgetown pa pone akinan un fin ne incidentenan entre hendenan di colo y indionan, caminda ya 17 persona a keda herida. Otro ca-

minda desconocidonan a mata un portugues. E cantidad di asesinatonan foi cu e gobernador britanico Sir Richard Luyt a haci uso un como diez dia pasa di su autoridadnan special, esaki a subi te ocho.



Hopi blaha e presidente Norteamericano mester enfrentá casonan straño di personanan qu ta deseá na cumind'e. Hasta tin blaha violento. Aki na Cleveland, na momentonan qu nan mester cambia di auto, e Presidente a pose dilanti di camara di e mucha muher aki y mester a duna docenas di personanan, qu a corre bini, man, bini, man.

# DUVALIER TA HACI HURAMENTO PRESIDENCIAL PA BIDA LARGU

Port Au Prince, -- UPI -- Francois Duvalier awe lodirigisú mes pe Camara Legislativa di Haiti pa hasi huramentu como presidente pa su bida, di e terra di "Vudu" aki.

Trucknan yen di haitiano tabata yega e capital aki na gran cantidad for di provincianan, pe festividadnan qu lo a ser tené despues di e huramentu. E Asamblea Nacional ayera oficialmente a proclamá un constitucion nobo y a declará Duvalier, di 57 aña di edad, como presidente pa su bida.

E constitucion, qu a ser redactá pa congressistanan di e partido oficial enal Duvalier ta encabesá, a ser ratificá den un referendum nacional di dia 14 di e luna aki. E resultado a ser duná di conocé ayera.

Nan a bisa qu tabatin 2.8 milyon voto favorabel y 3,234 voto negativo.

E partido di Duvalier ta e unico den e legislatura unicameral di Haiti. E constitucion nobo tambe ta cambia e bandera di Haiti, di corrá-blauw pa corrá-pretu, como simbolo di e lazonan di e republica cu Africa. Ayera Duvalier personalmente a bisa e bandera nobo riba e palacio nacional.


Dos avion P-51 Mustang -- militar di e forza aerea di Haiti -- tabata bula riba e palacio durante e ceremonia. "El a hura ante Dios y e pais, di lo ta defensor di e bandera aki.

Duvalier, quende ta dokter di profesion, a ser eligi pa di promer bes na aña 1957 riba 22 di sep-

tember. Durante un cierto tempu ei a disfrutá di e respaldo economico di Merca, cual pais a inverti 77 milyon dolar den Haiti entre e añanan 1954 y 1961.

Sin embargo, na aña 1962, violando e constitucion, Duvalier a declará su mes eligi pa un otro periodo di seis aña. E actitud oficial di Merca en bista di su Gobierno e ora ey a cambia debidamente. E asistencia norteamericana al fina keda suspendé.

Na juni di aña 1963, Estados Unidos tambe a interrumpi su relacionan diplomatica den un esfuerso pa provocá e salida di Duvalier for di e Gobierno. Posteriormente, e relacionan diplomatico a ser restablecé, pero e mayor parti di asistencia economica a keda "demorá."



No Ann East tabata un di e 700,000 habitantenan di Los Angeles qu a haña nan mes den problema cu un veiga di transito na e ciudad aki. El a dicitá di busca un "cabeñoto." Pa motibu qu tur hende a usa auto pa bai traha, tabatin un bruhamentu enorme den e ciudad.



RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.



### Horoscopo personal

**ARIES-21 di maart-20 di april-** Bo cualidadnan psiquica ta den un punto culminante e dia aki. Bo por defende generalmente den e intuicion pero no pasa e razon por alto.

**TAURO-21 di april-21 di mei-** Esaki ta un dia den cual e exito lo ta determina pa e exactitud, di cual bo por distingui entre firmeza di bo conviccioannan y e terquedad.

**GEMINIS-22 di mei-21 di juni-** Contene bo mes y no laga bo smaaknan excede pa placa cu bo por gasta y esaki ta un dia den cual tur cos mester sali bon.

**CANCER-22 di juni-23 di juli-** Hasi un esfuerzo pa balancea bo humornan di jubilo y depresion. Di otro manera bo por fracasa den bo negoshinan.

**LEO-24 di juli-23 di august-** Acepta tantu e elogionan como e criticanan di curazon y como resultado di esaki lo bo hanja bo mas contento e dia aki.

**VIRGO-24 di august-23 di september-** Usa bo intuicion pa bo escohe e actividadnan di e dia aki sino di otro manera lo bo pone bo actual situacion den peliger.

**LIBRA-24 di september-23 di october-** Puntra otro personanan di e resultadoonan di bo actual labornan. E probabilidadnan ta cu tur cos lo sali mihor cu bo a pensa.

**ESCORPION-24 di october-22 di november-** Permanece serena, durante un disputa. Si bo hasi e erupcion di bo indignacion, lo bo lamenta.

**SAGITARIO-23 di november-22 di december-** Evita tur e distraccionnan cu por reduci e calidad di bo trabao. Tin hopi probabilidad di cu lo sosode un algun accidente.

**CAPRICORNIO-23 di december-20 di januari-** Demuestra bo afectonnan den cas, pero afor bo mester pegabo estrictamente na bo negoshinan.

**ACUARIO-21 di januari-19 di februari-** No permiti pa bo aflicion worde domina pa algu misterioso. Ocupa bo mes cu cosnan mas practico.

**PISCIS-20 di februari - 20 di maart-** Esaki ta un dia pa bo consola otro personanan. Laga bo naturalesa considera domina e dia aki mientras esaki nososode na un manera considera.

### Borocoto a fallece

Buenos Aires, -- UPI -- Victima di un sincope cardiaco, ayera marduga na e capital aki a fallece e conocido comentarista deportivo Ricardo Lorenzo, quen de tabata mihor conoci den tur sectornan di deporte como "Borocoto."

E extinto a nace na ciudad di Montevideo y a muri na edad di 62 aña.

El a recurri cu sano criterio y hucio, tur e gamanan di deporte nacional, ya sea den futbol, automobilismo, ciclismo, boxeo, etc.

Na 1926 prome cu e bini na e pais e tabata colabora for di Montevideo den e revista "El Grafico" na cual el a ingresa despues como redactor dia 10 di april 1927.

Den e revista aki el a cuminsa hanja fama. Tambe e tabata hasi charlanan radial di caracter humoristico. El a worde designa secretario di direccion di "El Grafico" y a abandona e cargo na 1955 pa hubila su mes.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.




BUCHI ROBEZ

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY

